

<p style="text-align: center;"><b>Uorden da chesa da scoula</b> <b>Scoula primara Zuoz/Madulain (scoulina fin 6. classa)</b></p>
--

**Declaraziun da princip**

1. Las seguaintas reglas velan per tuot ils iffaunts e creschieus, scu per tuot las localiteds ed ils areals da la scoulina e da la scoula primara.
2. Per mantgnair üna bun'atmosfera in scoulina e scoula do que tschinch reglas da convivenza, chi faun part da quist uorden da chesa da scoula :
  1. Eau salüd a pitschen e grand!
  2. Eau dun chüra dal materiel!
  3. Eau nu cuntradesch a creschieus!
  4. Eau resguard las reglas da comunicaziun!
  5. Eau nu tizch e nu plunt a conscolars e conscolaras!

**Reglas :**

1. Ils scolars e las scolaras aintran in scoula in möd calm ed organisato, zieva cha la sclingia da scoula ho suno. Zieva l'instrucziun es darcho da sortir da la scoula in möd quiet.
2. Illas gardarobas es da tgnair uorden cun vestimainta, s-charpas e sachs da scoula.
3. Ad es da der chüra dals edificis e da tgnair net ils contuorns da scoula.
4. Düraunt las posas nu paun ils scolars e las scolaras sortir da l'areal da scoula, pigliand our cun permiss speciel da la magistraglia.
5. Düraunt il temp d'entreda, sortida e d'instrucziun es scumando dad ir cun velos, trottinets, inline skates ed oter pü sülla piazza da scoula.
6. Ad es scumando da manger in chesa da scoula, pigliand our cun permiss speciel da la magistraglia.
7. Ad es scumando da trer borlas da naiv sülla piazza da scoula.
8. Ad es scumando da giuver cun ballas cunter las fatschedas da la chesa da scoula e da la chesa cumünela.
9. Per entrar illas localiteds da scoula tiran ils iffaunts aint putschs u s-charpas da gimnastica.
10. I'ls sulers es dad esser quiet, per ir in tualetta, per müder stauza da scoula scu eir düraunt las posas da 5 minuts.
11. Il rüt tuocha illas chavagnas da rüt. Rüt speciel (palperi vegl, butiglias da pet, ...) tuocha i'ls recipiains da rüt speciel.

12. Mincha möd da metter suot squitsch a conumauns (marendas, medias modernas, ...) es scumando.
13. Ad es scumando sün l'inter areal da scoula da fümer (vela eir per cigarettas e shishas electronicas) da scumpartir, vender e consümer bavrandas alcoholicas u d'energia scu eir otras drogas u substanzas na adattedas per iffaunts.
14. Ad es scumando da piglier armas u ogets similis in scoula.
15. Dürant il temp d'instrucziun e las posas sun ogets electronics scu telefonins, iPods, e.u.i. stüzs ed aint il sach da scoula.
16. Sün l'inter areal da scoula ho l'andamaint scolastic da la scoulina e scoula primara prioritad (invers activitads dad otras organisaziuns u activitads da temp liber).
17. Per l'observaziun da quist uorden es respunsabla la magistraglia, scu eir il custodi. Surpassamaints vegnan chastios.

Dumandas per permiss speciels per excepziuns, sun da drizzer:

- a la direcziun da scoula, in connex culla scoula
- al cumün, in connex cun persunas privatas e societeds.

### **Entreda in vigur**

Quist reglamaint aintra in vigur als 1. favrer 2016.

Approvo tres il cussagl da scoula als 30 november 2015

Approvo tres il cussagl cumünel als 6 schner 2016

Zuoz, ils \_\_\_\_\_

### **Cussagl da scoula Zuoz/Madulain**

Presidenta

Laurence Badilatti

### **Cussagl cumünel Zuoz**

Flurin Wieser  
President

Claudio Duschletta  
Chanzlist